

Atal Ymgynghori ar Addysg Uwchradd yn Hwlfordd

Bydd y Cyfarwyddwr dros Blant ac Ysgolion yn argymhell i gyfarfod Neilltuol o'r Cyngor ddydd Iau nesaf (26^{ain} Tachwedd) bod yr ymgynghori presennol ar adolygiad o addysg uwchradd yn Hwlfordd yn cael ei derfynu.

Bydd Kate Evan-Hughes yn cyflwyno cynigion wedi'u haddasu ychydig i'r Cynghorwyr ac yn argymhell eu bod yn cymeradwyo lansio ymgynghoriad newydd ar y cynigion hynny.

Bydd hefyd yn hysbysu Cynghorwyr bod y weithdrefn i'w dilyn mewn cysylltiad â'r ymgynghori statudol yn cael ei hystyried yn ddadleuol, a'i bod yn ddoeth terfynu ymgynghori statudol ac ailddechrau ymgynghori ffurfiol gydag ymddiriedolwyr Elusen Tasker Milward a Picton cyn dechrau ymgynghoriad newydd.

Os bydd y Cynghorwyr yn derbyn argymhelliad y Cyfarwyddwr, hwn fydd y trydydd ymgynghoriad statudol ar addysg uwchradd yn Hwlfordd.

"Rydym yn ymwybodol iawn mai dyma'r trydydd tro i ni geisio ymgynghori ar addysg yn Hwlfordd, ond rydym yn benderfynol o gael y broses hon yn hollol gywir er mwyn addysg ein plant," meddai Kate.

"Fel bob amser, rydym yn ddiolchgar iawn am gyfraniad y cyhoedd at y broses ac yn gofyn iddynt ddal ati gyda ni wrth i ni geisio cael y canlyniad gorau oll i'n ein hysgolion."

O ganlyniad i'r argymhellion newydd i'w rhoi ger bron yr Aelodau, **cafodd y cyfarfodydd cyhoeddus oedd i ddigwydd yn Hwlfordd ar yr ymgynghori presennol eu canslo.**

Bwriadwyd cynnal y cyfarfodydd ar 23^{ain} a 30^{ain} Tachwedd yn yr Archifdy. Byddwn yn cysylltu â phawb sydd wedi cadw lle.

ID: 32807 Adolygwyd: 14/11/2016